

## هانقول لبعض

ممکن أخذ من وقتك دقيقة ، الكلام اللي هاتقراه ده هياخلىنا نغير مصر للأحسن ، انت عارف ان احنا هانختار النواب اللي هايتمثلونا في مجلس الشعب بفون تزوير لأول مرة؟؟ وبرضه أول مرة من ١٧ الالف سنة  
نختار الحاكم بتاعنا؟؟ و دي اول تجربة ديموقراطية ممكن تحول مصر لأكبر دول العالم  
اقتصاديا وسياسيا؟؟

انت أكيد عارف كل ده .. لكن للأسف فيه غيرك كتير معرفش ..!!!!... هو ده دورك عشان بلدك ، حاول تتكلم في كل مكان تكون متواجد فيه وأي حد تقابله ... قرايبك ، جيرانك ، صحابك ، النت ، الشارع أو حتى المواصلات ... المهم اناك تفيد غيرك ممكن يكون مش فاهم ، لان مشكلة مصر في الوقت الحالي مش الناس اللي تحت مستوى خط " الفقر " ..  
مشكلة مصر دلوقتي الناس اللي تحت مستوى خط " الفكر " ... وهي دي وظيفتك اللي هتغير بيها البلد ... حاول تعرف أكثر عشان تفيد غيرك أكثر .. وصدقني سكوتك بيساعدهم على تخريب البلد .. اكيد فهمت أقصد مين ؟!

حاول تكلم اللي مش عارف يعني ايه مجلس الشعب ؟ وعرفه وظيفته وعرفه النواب لازم نختارهم مش عشان فلوس ولا صلة قرابة ولا عشان هايعملي مصلحة شخصية ، لكن هانختارهم عشان هما اللي هايعملو دستورنا الجديد ، وهما اللي هايعملو القوانين اللي البلد هاتمشي عليها ، وهايأخذو القرارات اللي هاتحدد مصير بلدنا .

حاول تعرف الناس اننا بنختار مرشحيننا على اساس برنامج انتخابي ، وينحدد نجاحه من واقعيته ، وازاي هاننفذه في المجتمع ، وإن البرنامج ده هو الفيصل بين الشعب والمرشح سواء لمجلس الشعب او انتخابات الرئاسة .

حاول تعرفهم يعني ايه دولة ديموقراطية ؟ .. وعرفهم انها قائمة على الاحترام المتبادل لوجهات النظر ، بتحترم كل الاراء ، مافيش فرق فيها بين غني وفقير ، مسلم ومسيحي ، وزير وغفير لان كلنا واحد ، دولة مش بتحكم على تصنيفك الاجتماعي ولا الفكري ولا الديني ، مافيهاش تعصب ولا تطرف ولا تشدد .

ماتأخذش موقف سلبي وتقول انا نزلت التحرير فخلاص دوري انتهى .. ، وماتقولش انا مانزلتش فمليش دعوة يعملوا اللي هما غايزينه ..  
كلنا عايزين نبني ، ومصر هاتبقى على قد ما انت هاتديها ... سمع صوتك للناس وعرفهم أفكارك .. شاركنا في حملتنا عشان نشوف مصر اللي بنحلم بيها...



شباب ٦ ابريل .. شباب بيحب مصر

[www.6april.org](http://www.6april.org)

0183505052 / 0100630020